

اختلافات العهد الجديد ج 7 | شرح كتاب إظهار الحق 02

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الإسلامية على اليوتيوب

وفيديو جديد من سلسلة شرح كتاب اظهار الحق للعلامة محمد رحمة - 00:00:00

رحمة الله الكيراناوي الهندي. هذه المحاضرات لطلاب اكاديمية رسوخ للعقيدة وعلومهم. التابعة لمركز العروبة الوثقى للعلوم الشرعية.

وما نزلنا بنتكلم عن الاختلافات والتناقضات الموجودة في الكتاب المقدس وتحديدا اللي موجودة في العهد الجديد. وصلنا عند

الاختلاف رقم تسعه وتسعين - 00:00:15

ده اختلاف تقني شوية مش هدخل في تفاصيله. الشيخ هنا بيقول ان انجيل متى بينسب للمسيح انه قال طوبى لصانعي السلام لانهم

ابناء الله يدعون. وببرضو في انجيل متى منسوب للمسيح انه قال لا تظنوا اني جئت للقى سلاما على الارض - 00:00:35

ما جئت للقى سلاما بل سيفا. النص ده مع نصين ثلاثة كمان بالكتير من النصوص الصعبة والمشكلة بالنسبة للنصارى لا للشبيه الا لانه

بيظهر جانب للمسيح هم مش متعددين عليه. هم دائمًا يحبوا يرسموا صورة المسيح اللي فيها - 00:00:55

محبة وتضحية لكن تقول لي ما جئت للقى سلاما ما جئت للقى سلاما بل سيفا وفي نص اخر هيتكلم عنه الشيخ بعد شوي. فهنا

الشيخ بيقول يعني ان المسيح ليس من صانعي السلام. لان هو قال لا تظنوا اني جئت للقى السلام - 00:01:15

امن على الارض ما جئت للقى سلاما بل سيفا. وسبحان الله دي من المفارقات العجيبة يعني ان المسيح يستخدم كلمة سيف. ومن

اكثر الشبهات اللي هم وجوه عن الاسلام ان الاسلام انتشر بحد السيف - 00:01:35

لو عباره زي كده كان قالها النبي محمد صلى الله عليه وسلم ما كان النصارى هيقبلوا له اي تأويل. فهنا الشيخ بيقول يلزم الا يكون

عيسي من الذين قيل في - 00:01:48

حقهم طوبى ولا يدعى ابن الله لانه مش من صانعي السلام. هو لم يأت ليلاقي سلاما على الارض الاختلاف اللي بعد كده اختلاف مهم

جدا جدا ومشهور جدا جدا وذكرناه قبل كده على القناة وجينا كلام متى المسكين عنه - 00:01:58

قال كلام في غاية القوة ان ده تناقض صريح وواضح والقصة بجملتها مقرفة. وهو مش عايز حتى يبذل مجهد في التوفيق والنقطة

دي في غاية الاهمية انهي نقطة ان القمص متى المسكين عارف العلماء التاليين بيقولوا ايه كمحاولات - 00:02:15

التوفيق ما بين القصتين. هنا الشيخ رحمة الله الهندي في الاختلاف رقم مية بيتكلم عن قصة موت يهوذا الاسخاريوطى. معروف ان

القصة دي اتذكرت مرتين فين في الكتاب المقدس في العهد الجديد مرة في انجيل متى ومرة في سفر اعمال الرسل. والشيخ هنا قال

لك البيانات مختلفان بوجهين - 00:02:35

مع الرأفة اول وجه هو يهوذا مات ازاي؟ تاني وجه مين اللي اشتري الحقل؟ وبعددين هنا الشيخ رحمة الله الهندي كانه مين فيهم بقى

اللي صح؟ القصة اللي في متى ولا القصة اللي في لوقا؟ فقال لك القصة اللي في متى هي اللي غلط من خمس وجوه في - 00:02:55

خمس حاجات بتبين ان القصة في متى غلط. نرجع بقى لكلام متى المسكين واتفى ان انت تشوف الفيديو. متى المسكين زي ما قلت

اكيد عارف اقوال العلماء اللي حاولوا يوفقوا ما بين التناقض لكن هو ما رضيش وما حبش وما حاولش تحس انه من جواه كده لم

يجد الدافع ومتى المسكين - 00:03:15

من الناحية الایمانية قال لك لا القصة اللي في متى هي اللي صح. والقصة في اعمال الرسل غلط. ليه؟ لأن متى حسب ايمانه ده شاهد

عيان ده تلميذ من تلاميز المسيح له قدام الشاهد عيان هيعرف القصة منين. فاحنا نشك في لوقا لكن ما نشكش في متى غيره
ممکن ياخد العکس - 00:03:35

يقول لك لا احنا نشك في كاتب انجيل متى؟ ويمكن دي من ادلة ان كاتب انجيل متى ليس تلميذا ولم يكن شاهد عيان؟ والشيخ
رحمة الله هندي سيسير الى ده فيما بعد. فانا حابب هنا ااكد على نقطة - 00:03:55

ان لو انت عايز توقف وخلاص من اجل التوفيق. احيانا كثيرة انا بابقى متأكد ان هذا الشخص المسيحي اللي بيحاول يواافق فرق ما
بين الاختلاف او التناقض عارف كويس او اي ان اللي هو بيقوله ده اي كلام وان كلامه ده غير مقنع. وكان اولى له انه يتخذ موقف متى
المسكين انه - 00:04:10

اعترف ان الموضوع متناقض وفي واحد منهم صح والثاني غلط. والقصة بجملتها مقرفة وخلونا بقى نسيينا من الموضوع ده وننتقل
الى موضوع ادي الاختلاف رقم مية. القصة موجودة في متى سبعة وعشرين من اول عدد ثلاثة. والمقابل اعمال الرسل واحد ستاشر.
وده - 00:04:30

من خطبة كان بيقولها بطرس. القصة في مكة بتقول ان بعد ما يهودا سلم المسيح. وبعد ما المسيح اتحكم عليه ندم طبعاً يهودا كان
خد فلوس من رؤساء الكهنة علشان يتآمر على المسيح ويسلمه. فهو ندم وبعدين عمل ايه بقى دي نقطة - 00:04:50
جوهرية خلافية عمل ايه بالفلوس؟ ورد الثلاثين من الفضة الى رؤساء الكهنة والشيخوخ. رجع لهم الفلوس. قائلًا قد اخطأوا فراحوا
قالوا ماذا علينا؟ انت ابصر. فطرح الفضة في الهيكل وانصرف - 00:05:10

ساب لهم الفلوس في الارض ومشيوا. ثم مضى وخنق نفسه. راح وانتحر شنق نفسه فين مش متقاول. فاخذ رؤساء الكهنة الفضة
فتشاروا واشتروا بها حقل الفخار مقبرة للغرباء لهذا سمي ذلك الحقل حقل الدم. خلي بالك هنا في اول تفصيلة يهودا - 00:05:26
رجع الفلوس لرؤساء الكهنة وبعدين راح شنق نفسه وبعدين رؤساء الكهنة هم اللي اشتروا الحقل والسبب الحق لانه حقل الدم لانه من
فلوس آآ متعصدة دم. الفلوس اللي ادفعت اليهود عشان يسلم بها المسيح - 00:05:52

دي اربع تفاصيل رئيسية. طيب شف بقى القصة في اعمال الرسل. بيتكلم عن يهودا. يهودا عمل ايه في الفلوس؟ ما فييش بقى سيرة
رؤساء الكهنة. هو اللي اشتري بنفسه الحقل. فان هذا اقتني حقلًا من اجرة الظلم. كويس هو اللي اشتري. وبعدين - 00:06:12
هو ما كانش عايز ينتحر ولا حاجة. ده لأن عقوبة الهيئة واذ سقط على وجهه انشق من الوسط فانسكبت بتعشاوه كلها في الارض اللي
هو اشتراها. بيقى هو ما شنقش نفسه. ده كانه كان ماشي انكعبل انشقت بطنه - 00:06:32

وده واحشاوه ان دلقوها على الارض. وقال لك بقى ايه وصار ذلك معلوماً عند جميع سكان اورشليم. كل الناس عارفةحكاية دي آآ
دعى ذلك الحقل حقل دم. ليه دعي الحقل لحقل دم؟ ان دم يهودا سكت في الحقل ده - 00:06:52
ثانوية خالص بيقى يهودا خد الفلوس واشترى بها بنفسه الحقل. وبعدين ازاي مات سقط في هذا الحقل وانشق من الوسط وانسكبت
احشاوه. فيبقي ليه الحقل ده اتسمى حقل دم علشان احشاوه انسكبت. نيجي نرجع ل الكلام الشيخ - 00:07:12
قال لك اول خلاف يهودا خنق نفسه الثاني خر على وجهه وانشق بطنه فانسكبت احشاوه كلها ومات. تاني حاجة وسائل كهنة هم اللي
اشتروا الحقل. اما هنا فيهودا نفسه اللي اشتري الحقل - 00:07:33

هنا بيعمل على عبارة بطرس وهذا معلوم لجميع اورشليم قال لك فالظاهر ان الصحيح قوله وما كتب متى غلط من خمس وجوه ليه
بقى بيفلط متى؟ قال لك اولاً كلام متى غلط. لما قال لك ان المسيح قد دين. لان بيلاطس ما ادانوش ولا حاجة. ما قالش - 00:07:48
ان هو غلطان مستحق العقوبة. هنا النص بيقول ايه؟ انه قد دين لما رأى هودا الذي اسلمته انه قد دين يعني اللي هو سلمه واتحكم
عليه يعني وتم ادانته. لكن هو ما تمش ادانته ولا حاجة. ما علينا. قال لك - 00:08:08

قصة متى بتقول ان يهودا رد الثلاثين من الفضة. طب هيردهم ازاي؟ ظاهر القصة انه بعد ما يسوع اتحكم عليه تقريراً انا على طول
ندمة ورؤساء الكهنة مش هيبقوا في الهيكل وقتها. عشان يرجع لهم ويدي لهم الفلوس - 00:08:26
في بعض النصارى بيعملو على النقطة دي و قالوا لأ الكلام ده ما حصلش بعد ادانة المسيح على طول ده بعديها بفترة انت حر علشان

يخرج من اشكال فطرح الفضة في الهيكل ورؤساء الكهنة كانوا في الهيكل. وده ما ينفعش. هم ما كانواش في الهيكل. هم كانوا في محاكمة المسيح - 00:08:43

فقال لك دول كانوا في هذا الوقت عند بيلاطس. طيب قال لك سياق العبارة دالة على انها اجنبية ما علينا. ممكن الكلام دا يكون صحيح ممكن ما يكون مش صحيح يعني دي من وجهة نظر الشيخ ان انت لما تيجي تشوف بداية متى سبعة وعشرين. ادي هنا متى سبعة وعشرين. ولما كان - 00:09:02

صباح تشاور جميع رؤساء الكهنة وشيوخ الشعب على يسوع حتى يقتلوه. فاوتفوه ومضوا به ودفعوه الى بيلاطس البونط. حينئذ لما رأى يهودا الذي اسلمه انه فوق الدين ندمة ومش عارف مين. تجاهل كل ده واقرا فاوتفوه ومضوا به ودفعوه الى بيلاطس البنطي الوالي - 00:09:22

وقف يسوع امام الوالي فسألة الوالي قائلا هتلاقي ان الكلام ايه ماشي ورا بعض بشكل منطقي وكأن بالفعل كل الجزء ده تم ايقاوه حاموا. خلي بالك برضو في نقطة في غاية الاهمية وهيتكلم عنها الشيخ بس بعدين في جزء ثاني. ان الثالثين من الفضة بالنسبة لكاتب - 00:09:42

المترة رقم مهم. وده من اجل تحقيق نبوة. وحينئذ تم ما قيل بارميما النبي. طبعا هو النص مش في ارميا الاقتباس ده حينئذ تم ما قيل واخذوا الثالثين من الفضة سمن المسمن الذي سمنوه مش عارف مين. هنا القصة في ملة محكية بطريقة - 00:10:02 علشان في الاخر يقول لك اصل ده اتمام لنبوة. ونفس الكلام القصة في اعمال الرسل محكية بطريقة عshan في الاخر اتمام لنبوة بس هنا النبوة المقصودة انه لتصل داره خرابا الحقل اللي هو مات فيه ولا يكن فيها ساكن - 00:10:22

خلاص ده حقل دم وما حدش بيقرب. وليأخذ وظيفته آخر. ان اليهودا مات واحنا بقى دلوقتي هنتمم النبوة وآآآ هنختار حد ياخد مكانه علشان نفضل اتناشر تلميز. فيبقى هنا النقطة دي سياق العبارة دال على انها اجنبية محضة. اشارة جيدة. وبعدين - 00:10:42 قال لك موت يهودا في صباح الليل الذي اسر فيه عيسى. وبعيد جدا انه يندم على فعله في هذه المدة القليلة. في بعض العلماء علقوا على ده فعله وبعدين في الاخر بقى قال لك موضوع لكي يتم ما قيل ده غلط صريح هنفصله في الجزء بتاع - 00:11:02 الاغلاط. نرجع بس سريعا نتص على بعض الاقوال. ده تفسير هنري ايرون سايد. بيقول يذكر بطرس تفاصيل ليست موجودة هنا اللي هو في دي المد. العبارة دي زي ما قلت قبل كده كتير مضلة جدا. هو بيحكى قصة الواقع ان الاعمال الرسل بتحكي قصة ومتى بيحكى قصة تانية. ما تحاولش - 00:11:22

توهمنا انها نفس القصة بس هنا فيه تفاصيل وهنا ما فيش تفاصيل. ده غير واقعي وغير حقيقي. هو بيقول الكلام ده زي ما قلت قبل كده كتير وانا اسف على التكرار. هو في عقله صورة عبارة عن دمج القصتين بعض. وهو بيتصرف على اساس ان - 00:11:42 هذه الصورة اللي هي عبارة عن دمج القصتين في بعض هي الصورة الاصلية اللي فيها كل التفاصيل. وبالتالي بناء على هذه الصورة هو رسماها في خياله اللي مش موجودة في اي مرجع مش موجودة في العهد الجديد. على اساس هذه الصورة يبقى متى ذكر تفاصيل مش موجودة في اعمال الرسل - 00:12:02

واعمال الرسل ذكر تفاصيل مش موجودة في مكة. ويبقى ايه المرجع بالنسبة له الصورة اللي هو كونها في خياله. الله المستعان. حاجة صعبة جدا. قال لك بقى اما نكون الصورة اذا وضعنا الروايتين معا نصل الى استنتاج بان ذلك البائس اللي هو يهودا الذي كان على الارجح بدينا ما هو - 00:12:22

قال لك عshan يقع ينشق وتنسكب احشاوه. قد شنق نفسه الى شجرة ما شف بقى احنا متى قال انه مات مشنوق. اعمال الرسل قال انه وقع وانشق فنجمع ما بين الاثنين ازاي؟ نحكى قصة جديدة فيها الاثنين. وسبحان الله يعني خلي خيالك واسع. ده هو فعلنا شنق نفسه - 00:12:42

وبعدين علشان كان تقليل الحبل انقطع فراح وقع على حجر شق بطنه واندلقت احشاوه. القصة دي هنلاقيها فين لأ ما احنا ازا وضعنا الروايتين معا احنا هنعمل قصة جديدة مدمجة من الاثنين فتمزق جسده من جراء السقوط الى الارض - 00:13:08

بالحالة التي وصفها بطرس بحسب استنتاجه. طبعا يعني ايه بطرس بحسب استنتاجه؟ بطرس ما استنتجش حاجة. بطرس قال لك هو اشتري الحقل وهو ماشي في الحقل سقط مات في قلب الحقل ودمه غرق الحقل. فالحقل اتسمى حقل دم بيحكى قصة تانية خالص - 00:13:28

الله المستعان. طيب هو كده عمل توفيق خزعلبي ليهودا مات ازاي ؟ حيوفق ازاي بقى ما بين اللي اشتري الحق وهو بيتجاهل تماما بقى فكرة آآ ان اعمال الرسل بيخلطي تبرير اسم الحقل لسبب مختلف عن متى - 00:13:48

هو قال لك ايه ؟ بما ان الفلوس كانت اصلا بتاعة يهودا. طب ليه تخليها كانت اصلا ما هي كانت اصلا بتاعة رؤساء الكهنة وادوها اليهودا ويهودها رجعوا لهم لأن هي بتاعة يهودا خلاص - 00:14:08

فكأنهم هم اشتروا له الحقل نيابة عنه. قال لك وهكذا ف بهذه الطريقة يكون يهودا نفسه قد اشتري حقا الحقل بثمن المكافأة. هو اللي اشتري حقا ايه ده! والله العظيم بيتعاملوا كان احنا ما بنفهمش. قال لك هذه الارض - 00:14:20

كانت قد خصصت كمقبرة. وقد دعيت باسم ذي مغزى الا وهو حقل الدم. ليه بقى ؟ تذكير دائم للصفقة دائنة الشنيعة التي شارك فيها الكهنة ويهدود. انها بفلوس دم. طبعا اعمال الرسل ما بيحكىش ان هو اتسمى حقل دم لهذا السبب - 00:14:40

بنيامين بن كارتون بيقول ايه ؟ اليهود المفروض دخل الهيكل عشان يرجع الفلوس. قال لك ده ما كانش جائز. هو اي حد بيدخل الهيكل كده فقال لك هذا مما يدل على حالة الاضطراب الشديد التي كان عليها. والتي حملته ايضا بعد ذلك ان ينهي حياته بيده. اذ لم يقدر ان يتحمل وجوده - 00:15:00

وفي الحياة بعد. طبعا فكرة انه متى بيقول انه انتحر. لكن اعمال الرسل ما بيقولوش انه انتحر ده كأنه مات آآ بالخطأ حصلت له حادسة ومات. ندخل على تفسير ويليام ادي. قال لك لا يظهر من قول متى في اي وقت حدث ما - 00:15:20

يهودا هنا وقال لك ولعل ذلك كان بعد ان عرف انه حكم على يسوء في بيت قيافة. واوتي به الى الهيكل لاثبات الحكم عليه شرعا فتبعهم يهودا الى هناك ودخل الهيكل وتكلم مع الكهنة قبلما ذهبوا باليسوع الى بيلاطس - 00:15:40

وبقي بقى هو بيحاول يحل الاشكال انه هو امتى يا هوزا راح لهم الهيكل ورجع لهم الفلوس فبيخترع قصة الكلام ده انت تقدر تعرفه ان الانجيل ما تقدرش هو في الاخر عارف ان في مشكلة متعلقة بالموضوع ده امتى يا هوزا راح الهيكل ورجع لهم فلوسهم؟ فبيخترع السيناريو يعني. تفسير ويليام ماكدونالد - 00:15:58

هنا بيقول لك وبمقارنة هذه القصة بما جاء في اعمال الرسل. كلهم بيختارعوا نفس الاختراع. نستنتج انه ناخد حنة من هنا على حنة من هنا ونعمل الفخفخينة التمام. ده مثل مصرى يعني انه تعمل كوكتيل. نستنتاج انه علق نفسه على شجرة حتى انقطع الحبل - 00:16:20

او انكسر غصن الشجرة واندفع جسده فوق الجرف مسببا انسكاب احشاء. بيحكى قصة جديدة لا هتلاقيها هنا ولا هنا. تفسير ويليام دونالد مرة تانية لنص تاني بيتكلم على ان فعل رؤساء الكهنة اللي هم لما اشتروا الحقل ده كان تحقيق لنبوة وہننکلم في الموضوع ده تفصيلا - 00:16:40

فيما بعد لان هنا زي ما بيقول النص في زكريا لكن زي ما عرضت متى بيقول حينئذ تم ما قيل بارم يا النبي. والكلام ده مش في ارميا ده في زكريا. هنا بيقول لك وينسب متى هذه النبوة لارميا مع - 00:17:00

ان من الواضح وجودها في كتاب زكريا. ايوة يعني هي مش في ايرانيا وهو نسبة لارميا. قال لك يعني ربما يكون السبب ان ارميا اخترع بقى ما هو اصل زكريا دهنبي من الانبياء الصغار. ارميانبي من الانبياء الكبار. الواقع ان سفر ارميا ما لوش علاقة - 00:17:15 اقرب سفر زكريا واللي هو بيختارعه ده مش موجود. يعني هو بيقول ربما يكون السبب ان ارميا كان في طليعة الدرج النبوى الذي استخدمه متى يجعلونه قراطيس لفائف درج حاجة بتتفرد كده كويس؟ قال لك ده - 00:17:35

يمكن الميا كان هو اللي في بداية الدرج فعشان كده قال نسبوا الارمية يعني. ده غلط ارم يا من الانبياء الكبار كان بيبقى لفافة لوحده. وزكريا من الانبياء الصغار. والانبياء الصغار كلهم لفافة - 00:17:55

فلوخدهم. قال لك ويتفق ذلك مع الترتيب القديم المحفوظ في العديد من المخطوطات العبرية. والمأثور في تقليد التلمود فين الكلام ده ؟ حابب بس ابص على حاجة سريعا. ده العهد القديم العربي ترجمة ما بين السطور عربي عربي. ده ضهر الكتاب وده الفهرس - 00:18:14

صغر ارميا في وسط الاصفار الكبار. قبليه اشعيا بعديه حزقيان. وبعدين خوشع يؤيل عموم عبيدية يونان ميخا نحوم حقوق زكريا ملاخي. كيف بالله زكريا اللي من اواخر الاسفار في الاندية - 00:18:33

وخليل بالك هو لسة يعني ترتيب اللي موجود في العهد القديم العربي اصفار موسى الخمسة وبعدين آآ كتابات تاريخية وبعدين انباء كبار وبعدين حكمة وشعر ودانיאל وعزرة ونحمي - 00:18:53

وكتابتنى. ارم يا هنا. قبليه وبعديه صفرين كبار. وزكريا هنا ضمن الاسفار الانبياء الصغار. انا حابب اعرف يعني ايه على اي اساس بيدعى هذا الادعاء العجيب. ما علينا. يبحاول يحل اشكال. والاشكال ده هنتكلم عنه بالتفصيل اكتر بعدين. ان متى غلط - 00:19:13

لما جه يقول ان النبوة دي لكي يتم ما قيل بايرنيا. وهو مش في ارميا ولا حاجة. تفسير ويليم ادي قال لك هو ليه اسمه حقل الفخاري وموضع الفخاري ده مش موجود غير في مكة. معلومة جانبية يعني - 00:19:33

تفسير ويليم ماكدونالد. هنا ويليم ماكدونالد يفسر النصوص بتاعة اعمال الرسل. وبيديعى ان النصوص من اول تمنتasher فان هذا اقتتنى حقلنا كزا كزا وصار ذلك كزا ان الصين دول لوقا كاتب اعمال الرسل اقحمهم في كلام بطرة - 00:19:48

بطرس ما قالش الكلام ده. فكان كلام بطرس عبارة عن ايه؟ الذي سبق الروح القدس فقاله بضم داود عن يهود الذي صار دليلاً للذى قبضوا على يسوع مكتوب في سفر المزامير لتصل داره خراباً كزا. يعني هنا ده المفترض يكون ملزوق في كلامه - 00:20:08

عن فقاله بضم داود عن يهود. تفاصيل موت يهودا اللي في النص دي لوقا كاتب اعمال الرسل اقحمها في كلام بطرس رغم ان ظاهر الكلام ان بطرس بيحكى. قال لك هاتان الآياتان جملة اعتراضية كتبها لوقا. وليس جزءاً من خطاب بطرس للتلاميذ - 00:20:28

انهما تكملان الحقائق التاريخية بخصوص موت يهودا وتمهдан الطريق لتعيين من يخلفه. طبعاً انتم فاكرين قبل كده لما اتكلمنا عن نسب المسيح اللي موجود في انجيل متى واللي موجود في انجيل لوقا. والشيخ رحمة الله الهندي اشار الى نقطة ان آآ كاتب انجيل لوقا تقريباً ما كانش - 00:20:47

اعرف ايه اللي مكتوب في انجيل متى نفس الكلام هنا. كاتب انجيل لوقا هو نفسه كاتب اعمال الرسل. وده بيظهر من بداية انجيل لوقا وبداية اعمال الرسل ان هم اللاتينين بيجيبوا سيرة الشخص اللي اسمه سيفيلوس وفي بداية اعمال الرسل بيقول لك الكلام الاول الذي كتبته لك يا توفيلوس مش عارف مين - 00:21:07

هنا بنسأل سؤال لوقا بيحكى قصة ذكرها متى يلوقا هو انت كنت عارف ان متى كتب قصة مختلفة غالباً لأنّ هي دي الفكرة. ده عنده معلومات وده عنده معلومات مختلفة. هنا بيتدلي لك الكلام. وبيقول لك وليس هناك تناقض بين طريقة موت - 00:21:27

التي وصفت هنا في اعمال الرسل. وتلك المذكورة في انجيل متى. شغل آآ تعامل نفسي. ما فيش تناقض ما فيش تناقض متى بيقول حاجة ولوقا بيقول حاجة تانية. قال لك بقى اذا وضعنا الخبرين معاً عمل بقى كوكتيل اذا وضعنا الخبرين - 00:21:46

ان تكون عملية الشراء الحقيقة لهذا الحقل من ترتيب رؤساء الكهنة. رغم ان اعمال الرسل بيقول يهودا هو اللي اشتري. وقال لك من الجائز ان نقول ان هو اللي اشتري رغم انه ما اشتراش ولا حاجة. خلي بالك الواحد امتى يقول انانا اشتريت رغم اني مش انا اللي - 00:22:05

فعلاً انه يكون عملية الشراء في نيتى. انا ممكن ادي فلوس لحد وهو يشتري عني مش انا اللي اشتري بشكل مباشر ويتقال في النهاية ان محمد هو اللي اشتري. عادي جداً. لان انا اديتك الفلوس - 00:22:25

وفي نبتي انك تعمل بها كده. فيتقاول وقتها ان محمد اللي اشتري واللي اشتري عنه اللي اشتري. برضه. لو جينا نرجع للقصة بتاعة انجيل متى هتلاقى ان يهودا انصرف من الهيكل قبل ما يعرفهم هيعملوا ايه بالفلوس - 00:22:41

اخطأتوا اذ سلمت دما بربئاً ماذا علينا؟ انت ابصر. فطرح الفضة في الهيكل وانصرف فاخذ رؤساء الكهنة الفضة فتشاوروا بعد ما

مشي واشتروا بها حقل الفخاري. ازاي تنسب عملية الشراء - 00:23:00

ليهودا وهو رمى الفلوس وما يعرفش هم كانوا هيعملوا بالفلوس ايه. فيتقاول ان هو اللي اشتري بانهي عقله وبانهي منطق. قال لك من الجائز ان نقول يهودا هو الذي اشتري بمعنى ان المال الذي استخدم في الشراء كان ماله. وان رؤساء الكهنة تصرفوا كوكلاء له. ايه العبط ده! والله انا اسف يعني سبحان الله - 00:23:18

لما انت تيجي تقرأ القصة في متى تجد ان كان دي بقت ارض صدقة مقبرة الغرباء. اللي احنا مش لاقين له قال له ولا قبر هندفنه هنا مقابر الصدقة. يعني بقت ارض ملكية عامة. مش بتاعت يهودا. لكن القصة في اعمال الرسل بتحكي من اولها - 00:23:38 خيرها ان هي بتاعة يهودا. ومات فيها يهودا وما حدش قرب لها من ساعتها. وعلشان كده بيستخدم النص اللي بيقول لتصل داره قرابا لكن مقابر الغرباء دي معناها ايه؟ انها اصبحت ملكية عامة والناس بتستخدم الارض دي في الغرض العام ده ان اي حد ما لوش مقام - 00:23:58

يندفن فيه. ده توفيق موضوع الشراء بالهنا والشفا. طب طريقة الموت؟ برضو قال لك لقد شنق نفسه على شجرة في الحقل الذي كان يستخدم كمقبرة. فين الدليل على كده؟ اذا كان هو النص في متى بيقول مضى وخنق نفسه - 00:24:18 فكرة يعني عملية شراء الحقل تمت بعد موته. انت متخييل هنا فتشاوروا واشتروا بها حقل حقل ده اللي هم اشتوروه كانوا لحقوا اشتوروه ويهودا عرف الحقل اللي هم اشتوروه فراح شنق نفسه فيه ايه الخيال العلمي ده؟ لكن اصله لازم يقول كده لأن اعمال الرسل بيبدل على كده. هو اشتري الحقل - 00:24:39

مات في قلب الحقل دمه سال في قلب هذا الحقل فاتسمى حقل دم. النقطة دي مهمة جدا. ان هو كوييس قوي انه مات في الحقل بتاعه. قال لك من المحتمل ان الحبل الذي شنق به نفسه انقطع قاذفا جسده الى الامام - 00:25:08 فانشق من الوسط وبما ان ذلك صار معلوما عند جميع سكان اورشليم فان حقل الفخاري دعي حقل دم ليه حقل الملطخ بالدم. برافو عليك عارف انت اللي برافو عليك كده وهو ويليام ماكدونالدز بخياله الواسع قدر يربط لك قصة تمثي هنا هنا هنا. القصة دي - 00:25:28

بقى نلاقيها فين في عقله فقط وكل واحد بقى لما بيجي يدمج الصورتين هيدمجها بشكل مختلف. ويليام ادي بيقول ان النصوص دي برضو مش من خطاب بطرس هما من تفسير لوقا اذ لا حاجة لبطرس الى ان يخبر التلاميذ الذي يخاطبهم بما حدث ليهودا منذ اقل من اربعين يوما ولا - 00:25:52

داعي لأن يفسر لهم معنى حقل دما. من كلمات لغتهم. لكن لوقا كتب الى اناس في غير اليهودية بعد نحو ثلاثة سنين من حدوث تلك الامور. يعني ايه الكلام ده؟ لو رجعنا تاني الاعمال الرسل هنلاقي حتى دعي ذلك الحقل - 00:26:14 في لغتهم حقل دمى دي طريقة النطق في لغتهم اي حقل دم. فهو بيقول لك يعني ان الجزء ده كله تمنتasher وتسعشاير اقحام من لوقا. التفاصيل دي التلاميذ كانوا عارفينها - 00:26:34

ما كانوش محتاجين شف يعني الحاجة اللي انا عايز اسلط عليها الضوء هنا. هو بيدعني ان النصوص دي مقحمة. ايه القرينة او ايه ايه الدليل؟ نقد ادبى. لو بطرس بيكلم التلاميذ. التلاميذ اليهود محتاجين من بطرس انه يفسر لهم - 00:26:51

حتى دعي ذلك الحقل في لغتهم. لغتهم غير لغتنا وهو احنا مش فاهمين لغتهم علشان تفسر لنا لغتهم يبقى ده دليل ان بطرس ما يقولش الكلام ده. ده لأن لوقا بيقول لك يعني لأن الكلام ده هو ما حكاهاش في انجيل لوقا - 00:27:11

انت ما تعرفش ايه اللي حصل لليهود؟ بطرس بيقول خطبة لها علاقة باللي حصل اليهودا. انا ما عنديش معلومات غير انجيل لوقا بل الرسل فانا مش فاهم هو آلو سمحت ممكن تفهمني ايه اللي حصل لليهودا عن يهودا الذي صار دليلا للذين قبضوا على يسوع اذ كان مع - 00:27:31

بيتنا صار له نصيب في هذه الخدمة قال لك آفي تفاصيل انا ما اعرفهاش عن يهودا فراح له قداستها في النص وراح مكمل الكلام بطرس. هنا برضو بيتكلم عن مين اللي اقتتنى الحقل؟ قال لك نعلم من بشارة لوقا هو طبعا الكلام ده غلط - 00:27:51

نعلم من بشاره يوقا ان الكهنة اشتروا هذا الحقل من الفضة التي القاها يهودا في الهيكل هو مش من بشاره لوقا من بشاره متى ولكن يصح ان يقال ان يهودا اقتني هذا الحقل لانه كان علة اقتناه. وقد اشتري بماليه - 00:28:07

علة اقتناه ايه ؟ ده كلام غير صحيح. الفلوس بتاعته هي كانت في الاصل مش بتاعته هي بتاعة رؤساء الكهنة وهو ندم انه خد منهم الفلوس فرجعها لهم تاني. فيبقى الفلوس رجعت لاصحابها. وهو ما كانش يعرف هي عملوا ايه بالفلوس. الحتة بقى بتاعة مات ازاي ؟ قال لك - 00:28:23

نون انه خنق نفسه وسقط وقال لك لا خلاف بينما ذكروا متى وما ذكروا لوقا. اللي على اساس احنا مجانين. شف بقى الجملة دي والله العظيم. لولا ان امثال هذا المفسر - 00:28:43

اللي هو ويليام ادي تحس ان هو بيحاول يتذاكي على الناس قال لك ليه بقى لا خلاف بينما ذكروا متى وما ذكروا لوقا؟ قال لك لان متى لم يذكر شيئاً مما حدث اليهود بعد ان خنق نفسه؟ ولو - 00:28:57

لم يخبر شيئاً بما جرى عليه قبل ان يسقط معلش انا اسف. انت ازاي ربطت الاثنين ببعض؟ هو عاوز يقول ايه ؟ احداث اعمال الرسل بتحكى ومعلش انا اسف والله ان انا باوضح - 00:29:11

الواضحات بس علشان خاطر فيه ناس ممكن ما تاخذش بالها ويتعرض عليه هذا الرد وبعدين يقول لك احنا نرد نقول ايه او نرد ازاي؟ القصة في اعمال الرسل بتقول ان يهودا اشتري الحقل - 00:29:26

وهو في الحقل مات فيه. فلما دمه سال في الحقل اتقال ان ده حقل دم. كوييس؟ طيب في قصة انجيل متى امتي تم شراء الحقل؟ يهودا غار في داهية بعد كده هم اشتروا الحقل - 00:29:39

فيبقى ما ينفعش تجمع ما بين القصتين لان امتلاك يهودا للحقل جزء رئيسي من قصة اعمال الرسل. لكن في متن يهودا لم يمتلك الحق ولم يمت فيه. بل ان ظاهره هو مات وغار ورؤساء الكهنة بقى تشاوروا واشتروا - 00:29:56

عملوه مقبرة وبقت مقبرة وخلاص فيبقى حته ان انت تقول اصل متى ما قالش ايه اللي حصل بعد ما شنق نفسه. لأن القصتين قصة واحدة النص الاولاني وقصة واحدة النص الثاني لأ ده مش صحيح. حابب ااكد مرة تانية ان احنا بنارد وقت طويل - 00:30:16

في امثال هذه الاختلافات لانها من الشبهات المشهورة عند النصارى. بالنسبة لهم دي شبهة. والشبهات المشهورة الردود عليها منتشرة فيبيقى لازم ندخل في نقاش فيما يخص ردودهم على طرح الاشكال. ونبقي متمكنين من بيان - 00:30:35

بطلان كلامهم الفارغ ده. الاختلاف اللي بعد كده رقم مية وواحد برضو بالنسبة لي اختلاف تقني ما انصحش ان هو ده اللي بيقى المثالى اللي ادخل به في حوار او منظم. هنا الشيخ بيقول ان في الرسالة الاولى ليوحنا ان كفاره خطايا كل العالم المسيح الذي هو معصوم من الذنوب. فهو بيتكلم - 00:30:55

عن فكرة ايه؟ الكفاره ممكن بيقى شخص عباره عن ايه؟ معصوم من الذنوب ولا بيقى شخص وحش؟ فقال لك فيه في كفر الامصال الاشرار يكونون كفاره لخطايا الابرار. وهنا في الهاشم اتنين وتلاتة في الهاشم اتنين هو كفاره لخطاياه - 00:31:15

بل لخطايا كل العالم ايضاً. في سفر الامثال عوض الصديق يسلم المنافق ويعوض المستقيمين الاثيم. وفي ترجمة تانية بتقول الشرير فدية الصديق ومكان المستقيمين الغادر. يعني الغادر بيأخذ مكان المستقيمين وفدية الصديق بيكون الشخص - 00:31:35

شرير. انا شايف ان نص سفر الامثال وفي نصوص تانية شبهها. لكن في النهاية النصراني هيقاوح في ان ده كفاره ولا مش الاختلاف اللي بعد كده رقم مية واثنين برضه من الاختلافات اللي ما انصحش ان هي تبقى من الاختلافات الاساسية اللي مفروض نعرضها يعني - 00:31:55

بيقول في الرسالة الى العبرانيين كاتب رسالة الى العبرانيين بوصف الشريعة الموساوية بانها ضعيفة معيبة غير نافعة وفي المقابل بنلاقي في المزامير انها بلا عيب وصادقة. الهاشم رقم واحد واثنين. في الهاشم رقم واحد في العبرانيين سبعة تمنتasher - 00:32:15

قال لك ان القديم ده تم نسخه لما فيه من الضعف وعدم الفائدة. ودي الترجمة الاقرب لترجمة الفاندايك. اذا ترفض الوصية سابقة

لضعفها وعدم نفعها. طبعا النصارى هيقاوحوا في تفسير هذا النص لكن ما علينا. هو من النصوص المهمة في موضوع النسخة -

00:32:35

جايبر برضو ترجمات تانية فانه يصير ابطال الوصايا السابقة من اجل ضعفها وعدم نفعها. ونص اخر فانه لو كان ذاك الاول بلا عين لما طلب موضع لساني. فيبقى هو بيتكلم فكرة العهد القديم والعهد الجديد. وان النظام الاولاني ده لو كان بلا عيب - 00:32:55
لما طلب موضع ثانى. بيقى هو بعيد وضعيف وعدم النفع والكلام ده. ماشي. في المقابل في المزمور تمنتasher سبعة ناموس الرب بلا عيب موصي الرب كامل في المزمور تسعاشر سبعة - 00:33:15

هو نفس النص بس احيانا ارقام المزامير بتختلف من طبعا. الخلاصة في النهاية ان المسيحي هيدافع عن كلام بولس وهيقول هو ما يقصدش كده حرفيا لكن في النهاية انا رأيي لأ هو بولس كلامه ان لأن الموضوع فعلاً ضعيف ومعيب وآآآ - 00:33:28
ایه بقى اللي يقصد انه ضعيف ومعيب وغير نافع؟ في النهاية شيء سينسب لله لأن ربنا هو اللي وضع ده. وخلي بالك احنا لما بنتكلم عن اسخ والمنسوخ ما بنقولش ابدا ان ربنا استبدل هذا الحكم الشرعي لأن الحكم الاولاني ضعيف ومعيب وغير نافع. ده كفر الكلام -

00:33:48

قام ده كفر بالعكس احنا بنقول انه التشريع ده هو الافضل والاصلاح لهذا الزمان ولهذا المكان ولهذا المجموعة من الناس. وبعدين النسخ ان الاحوال وهكذا او ايا كان الحكم من النسخ لكن ما بنقولشي ان التشريع الاول معيب وناقص وضعيف - 00:34:08
ایه ده! وخلي بالك التصورات البوليسية دي عن الشريعة والالتزام بالتشريع وفكرة العهد القديم بشكل عام هي التي ادت الى ان بعض الطوائف النصرانية كرهت العهد القديم خالص وظهرت بقى الماركيونية اللي وصلت الى درجة ان الله العهد القديم ده غير الله العهد الجديد. وان خالق السماوات والارض ليس هو ابويا - 00:34:29

يسوع المسيح الاختلاف رقم مية وتلاتة اختلاف مهم جداً ومشهور جداً. بيتكلم عن زيارة النسوة للقبر. هم كانوا كام واحدة وامتنى والكلام ده كله؟ احنا عرضنا الكلام ده قبل كده وقلنا ان كل التفاصيل من بداية هو المسيح اتقبض عليه في - 00:34:55
مروراً بالمحاكمة الصلب والموت والدفن والقيامة وممرين زاره في لغاية رفعه للسماء فين والظهرات والكام اختلافات بالكوم فمش هنعيد مرة تانية عرض هزا الموضوع لأن احنا عرضناه قبل كده الاختلاف رقم مية واربعة الشيخ هنا - 00:35:15

لفت نظرني لمسألة انا ما كنتش واحد بالي منها. لذلك من المفيد جداً ان الانسان يطلع على افكار الآخرين وبيتدى يوزنها ويقيمها ويفكر فيها من وجهاً نظر انه ممكن بالفعل وجهاً نظره دي تكون صح - 00:35:35

وممكن بالفعل كلامه ده يكون صح. واذا الشخص ده وصل لهذه الفكرة؟ يعني تتبنى ان فعلاً كلامه صحيح. وايه اللي وصله الى انه يخرج بهذا الرأي. وتبتدى تقيم وتشوف هل بقى فعلاً كلامه صح ولا غلط. لكن المقصود ان انت ما تقراش كلامه وانت - 00:35:54
مسبقاً راضف لأن خد كلامه بعين الاعتبار. الشيخ هنا بيتكلم عن تفصيلة بسيطة جداً. متعلقة بصلب المسيح المزعوم. الاختلاف رقم مية واربعة. العنوان الذي كتبه بيلاطس ووضعوا على الصليب. الانجيل الرابع بتتفق ان لما المسيح جه عشان يتصلب اتحط -

00:36:14

فوق راسه يافطة واتكتب عليها حاجة. ادي هنا الاختلاف رقم مية واربعة في متى سبعة وعشرين سبعة وتلاتين فوق رأسه علته مكتوبة. هذا هو يسوع ملك اليهود في مرقص خمستasher ستة وعشرين وكان عنوان عليه مكتوباً ملك اليهود - 00:36:36
تلوكا تلاتة وعشرين تمانية وتلاتين. وكان عنوان مكتوب فوقه باحرف يونانية ورومانية وعبرانية يعني الجملة دي متكررة تلات مرات بتلات لغات مختلفة. هذا هو ملك اليهود في يوحنا تسعاشر تسعاشر وكتب بلاطوس عنواناً ووضعه على الصليب وكان مكتوباً
يسوع الناصري - 00:37:00

ملك اليهود. لما تيجي تبص هتلaci ان كل واحد قال عنوان مختلف عن الآخر. والشيخ رحمة الله الهندي هنا قصف جبهة رهيب قال لك في الانجيل الرابع مختلف الاول والثاني والثالث والرابع والعجب ان هذا الامر القليل جملة سطر من اربع - 00:37:27
خمس كلمات ما بقى محفوظاً لهؤلاء الانجليزيين. فكيف يعتمد على حفظهم في الاخبار الطويلة؟ ولو رأاه احد من قلب المدرسة مرة

لما نسي. تعليق ناري قال لك دي جملة عبارة تافهة - 00:37:54

من اربع خمس كلمات بالكتير. اطول واحد فيهم مين؟ يوحنا. يسوع الناصري ملك اليهود. اربع كلمات. له بيقول لك هذا هو ملك اليهود. مرقص قال ملك اليهود. نقدر نقول يعني ها لوكا ومرقص شبه بعض. متى بيقول هذا هو يسوع - 00:38:14

ملك اليهود. يعني خلي بالك لو انت بقى عايز تدمجهم كلهم في بعض بقى هتكتب عنوان خامس لا هو مذكور في يوحنا ولا فلورة ولا في مرقص ولا في متة. العنوان هيبيقي ايه؟ هذا هو يسوع الناصري ملك - 00:38:34

كاليهود هذا هو يسوع الناصري ملك اليهود. ست كلمات دول مش موجودين في ولا واحد على حدة. لكن زي ما الناس ترى بيعملوا هندمج الاربعة في الخلط ونطلع الفخخينة التمام. اليافطة دي كانت مكتوب فيها ايه؟ ولا واحد فيهم كتبها صح. دي

النتيجة - 00:38:54

عشان توقف اليافطة كان مكتوب عليها هذا هو يسوع الناصري ملك اليهود. والمفروض ان الجملة دي خلي بالك بقى بحسب انجيل لوقا كانت مكتوبة باليوناني والروماني والعربي. انا هسأل سؤال لان النصاري بيقولوا اصل الاختلاف ده - 00:39:15

جاء نتيجة انها اترجمت لاكتر من لغة. انا لو هكتب يافطة بالعربي هذا هو يسوع الناصري ملك اليهود. وجه للانجليزي والفرنساوي والالماني والاسباني هغير في العنوان هحذف منه يعني هقول في مرة ملك اليهود - 00:39:35

وحذف هذا هو يسوع الناصري. مش معقول لا يمكن يحصل. انت عندك لوقا ومرقص بيقولوا ان اسمه ومش مذكور اصلا على العنوان. لا يسوع ولا ناصري. مكتوب ما يفييد انه ملك اليهود - 00:39:55

هل يمكن ان انا كاتب على اليافطة اسمه انت لما تيجي تترجمها هتشيل اسمه؟ لان متى بيقول على الاقل كان مكتوب هذا هو يسوع ملك اليهود يوحنا بيقول يسوع الناصري ملك اليهود - 00:40:15

ما فيش هذا هو. الشیخ بقى راح ضارب قال لك الجملة التافهة دي. كتب الانجيل مش قادرين يحافظوا عليها زي ما هي واختلفوا عليها. فما بالك بالاخبار الطويلة! مع العلم ان الجملة التافهة دي لو رأه احد من طلبة المدرسة مرة واحدة. لو انت ماشي كده بصيت -

00:40:31

اليافطة دي كان مكتوب عليها ايه؟ ومشيت لها نسي. بص بقى على المحاولات العجيبة في التوفيق. ويليام ماكدونالدز. وضعه فوق رأس المسيح عنوانا يسوع ملك اليهود. طبعا يسوع ملك اليهود ده حسب انجيل متى. وبعددين بيقول لك وتحتفظ كلمات العنوان هذا الى حد ما في الانجيل الاربعة - 00:40:51

ولا واحد من الاربعة اتنين على الاقل اتفقوا على نفس العنوان. طيب حينما برضه ليه فيه اختلاف؟ اقر ان فيه انا لو مكانه والله والله هبقي حزين وهيبيقي صعبانة علي نفسي ان حتى في مسألة تافهة زي كده مش قادرين - 00:41:14

تفقو والله هذه دلالة اني يا اما واحد فيهم صح والباقي كله غلط يا اما كلهم غلط وبحسب ما انا اقول هم كلهم غلط. لان التوفيق الصحيح ما فيش ولا شكل من دول يضم كل ما سبق. يعني ايه؟ يعني - 00:41:34

يسوع الناصري ملك اليهود. فين هذا هو؟ هذا هو دي موجودة في لوقا موجودة في مكة. ببقي يوحنا فقد جزءا. اتنين انجيليين اتفقو عليه. طيب في متى هذا هو يسوع ملك اليهود ناقصه كلمة الناصري. لان يوحنا بيقول كان مكتوب - 00:41:54

العنوان يسوع الناصري مرقص ناقصه هذا هو يسوع الناصري. لوقا ناقصه يسوع الناصري ببقي ولا واحد فيهم يحتوي على الصيغة الكاملة اللي باقي الاشكال آآ اختافت فيها. ببقي زي ما قلت الشكل الصحيح شكل خامس مش موجود في ولا واحد من الاربعة.

عشان تقدر توقف ليه يوحنا - 00:42:14

ترك هذا هوولي لوقا ترك يسوع الناصري. وليه مرقص ترك هذا هو يسوع الناصري؟ وليه متى ترك الناصري قال لك ان كتابة العنوان بتلات لغات ده كان امر شائع. وببيقول لك انه كتب الانجيل اختلفوا. وبعددين هنا بيقول لك والمعنى واحد - 00:42:40

يعني ايه قل معنى واحد؟ اي كلام وخلاص كان فيه عنوان هم مش كلهم اتفقوا ان العنوان ده كان مكتوب عليه ان الشخص المصلوب ده ملك اليهود اللي هو الحد الادنى - 00:43:00

اللي ذكره مرقص. اه كلهم اتفقوا على هذا الحد الادنى. ماشي. على فكرة يعني لو كان فيه انجيل من دول ذكر ان كان فيه عنوان فوق الصليب ولم يذكر حتى اللي مكتوب كنت هتقول بربو المعنى واحد - 00:43:12

هي المشكلة ايه؟ ان انت بتتكلم في تفصيلة تافهة. وبربو غلطت لما ذكرت تفاصيلها. او اختلفت لما ذكرت تفاصيلها. قال لك بص بقى الحجة اللوزعية ولعل اختلاف الالفاظ لاختلافها في لغات العنوان الثلاث. بان نقل بعضهم عن احدى اللغات - 00:43:27 عن لغات اخرى اللي هو هذا هو يسوع الناصري ملك اليهود لما اجي اكتبها بالانجليزي آآ مش هترجم يسوع الناصري. ولما اجي اكتبها الفرنساوي آآ مش هترجم هذا هو. هو مش كان المفروض فيه نموذج قال لك اكتب العنوان ده راحوا مترجمينه للغات الثانية - 00:43:47

كلام والله العظيم كان بيخاطبوا اطفال. هلال امين بيقول ايه؟ نلاحرن تغييرنا في صيغة كتابة هذا العنوان بين البشيرين الاربعة ليه بقى؟ لان الروح القدس حرك متى لكي يتترجم العنوان من العبرانيين. ولوقا من اليونانيين ومرقص - 00:44:07 من اللاتينية. او لا انت عرفت المعلومات دي منين؟ يعني عرفت منين كل واحد ترجم العنوان من انهي لغة؟ هنا قال لك اما البشير يوحنا قد كتب الصيغة التي كتبها البشير مرقص - 00:44:27

ده انت مش انت ما جتش انت مش واحد بالك. يوحنا مرقص مرقص ده اصغر صيغة. يوحنا قال يسوع الناصري. وبربو هو بيتعامل بمنطق اللي هو غير منطقي اصلا ان اما اجي - 00:44:41

اترجم جملة ممكن اسقط منها حاجات عادي. ويبيقي انا ترجمت الجملة. انا مش قادر افهم يعني. اانا لو جبت جوجل ترانزیشن وكتبت له هذا هو يسوع الناصري ملك اليهود. وقلت له ترجمها لي بكل لغات العالم. هل ينفع انه لما بيجي يتترجم بلغة يسقط منها اشياء - 00:44:55

ده بانهي عقل وانهي منطق؟ ده مفروض كوتيسن اقتباس نص بعينه عايزك تكتبه لي باكتر من لغة. ليه في مرة يبقى العنوان قصير من كلمتين ومرة العنوان يكون طويل من خمس كلمات. ادي كلمتين ادي خمسة ادي اربعة ادي اربعة - 00:45:15 الاربع كلمات دول غير الاربع كلمات دول. ومرة ممكن بيقووا كلمتين بس ومرة بيقووا خمسة. ايه ده! هم كانوا كم كلمة؟ اخر اختلاف هنعرضه النهاردة الاختلاف مية وخمسة وهو بربو خلاف مش من الاختلافات اللي انا ارشح ان هي يعني ندخل بها حوار او منزم. هو فيه فعلا خلاف بس يعني - 00:45:35

الخلاف بسيط جدا ومش واضح او اي وفي قصة بالنسبة للمسيحيين مش مهمة اصلا وبغض النظر ما انت تيجي تقول هو هو انا بافسر كتابي مش يا ابني القصة دي عندك انت في كتابك لكن ده الواقع احنا بندور على الاختلافات اللي لما نيجي نعرضها على المسيحي تكون مؤثرة - 00:45:55

او على الاقل زي ما في الاختلاف اللي فات يكون فيه تنظير قوي ليه الاختلاف ده بيوضح مدى المشكلة ان اذا كانوا مش قادرين يحفزوا جملة ببساطة. كيف يعتمد على حفظهم في الاخبار الطويلة؟ فهنا الشيف بيقول في الاختلاف مية وخمسة احنا بنتكلم - 00:46:15

عن قتل يوحنا المعمدان. فقال لك في انجيل مرقص هيرودوس كان يعتقد في حق يوحنا او يحيى الصلاح. وكان راضيا عنه ويسمع وعظه وما ظلمه الا لاجل رضاه ردد يعني هو كان بيعتبره انسان كويس لكن علشان خاطر هيروديا دى ظلمه وقتلها. القصة بقى في انجيل لوقا ده هو موقف - 00:46:35

هيرودوس من يوحنا المعمدان مختلف. هو قتله لارضاء نفسه. لانه ما كان راضيا عن يحيى لاجل الشرور التي كان يفعلها والهامش اربعة وخمسة تيجي تشوف هنا في الهامش رقم اربعة القصة في انجيل مرقص ستة اربعين شرعاً وعشرين. لان هيرودوس نفسه كان قد ارسل وامسك يوحنا واوثقها - 00:47:01

اهو في السجن من اجل هيروديا امراة فيليبوس اخيه. اذ كان قد تزوج بها. لان هيرودوس كان يهاب يوحنا عالما انه رجل بار وقديس وكان يحفظه بيقدره يعني. واد سمعه فعل كثيرا وسمعه بالسرور - 00:47:23

يعني كان بيسمع له وكان بيقدرها وكان بيحترمه. في انجيل لوقا اما هيرودوس رئيس الرابع. فاز توبخ منه لسببه رودي هي برضو لها

علاقة بالموضوع. لكن هنا بيذكر ولسبب جميع الشرور التي كان هيرودوس يفعلها. زاد هذا ايضا - 00:47:43

ايضا على الجميع انه حبس يوحنا في السجن فقال لك هنا هو نفسه كان من ضمن اسباب انه زلم يوحنا المعمودان وحبسه في الآخر قتله. فهو في النهاية يعني زي ما قلت النصراني هيقعد - 00:48:03

عائد وبتاع في امثلة لاختلافات اقوى واظهر من كده بكثير. نتوقف عند الاختلاف رقم مية وستة ونكمel في فيديو اخر باذن الله عز وجل. لو حاز هذا الفيديو باعجابك فلا تنسي ان تضغط على زر اعجبني. ولا تنسي ان تقوم بمشاركة الفيديو مع اصدقائك المهتمين بهذا الموضوع ولو كنت قادرا على دعم ورعاية محتوى القناة لو انت شايف - 00:48:16

ان هذا المحتوى يستحق الدعم والرعاية فقم بزيارة صفحتنا على بتريون او بيبالا او حتى قم بالانتساب للقناة ستتجد اللينكات كلها تحت في وصف الفيديو. الى ان نلتقي في فيديو اخر قريبا جدا باذن الله عز وجل لا تننسوني من صالح دعائكم والسلام عليكم ورحمة

الله وبركاته - 00:48:38 -

00:48:58 -